

ՄԻՋԱԶԳԱՅԻՆ ԿԱՊԵՐԻ ԴԵՊԱՐՏԱՄԵՆՏԻ 2020 Թ. ՀԱՇՎԵՏՎՈՒԹՅՈՒՆ

ՊԱՅՄԱՆԱԳՐԵՐ ԵՎ ՀԱՄԱՁԱՅՆԱԳՐԵՐ

2020 թ.-ին կնքվել կամ վերահաստատվել են համագործակցության 5 հուշագրեր և պայմանագրեր.

- Կրթական հաստատություն Բելոռուսի պետական ագրոտեխնիկական համալսարան (Բելոռուսիա),
- Նիկոլակի պետական ագրարային համալսարան (Ուկրաինա),
- Օմսկի պետական ագրարային համալսարան (ՌԴ),
- CASCADE Membership statement,
- LOGO (Գերմանիա),
- Մոսկվայի տեխնոլոգիայի և կառավարման պետական համալսարան (ՌԴ):

ՀԱԱՀ-ն մասնակցում է Կենտրոնական Ասիայի և Հարավային Կովկասի գյուղատնտեսական համալսարանների ասոցիացիայի (CASCADE) աշխատանքներին, որի շրջանակներում պարբերաբար իրականացվում են հանդիպումներ և քննարկումներ: Այս տարի ՀԱԱՀ-ի Ագրոբիզնեսի և տնտեսագիտության ֆակուլտետի մի քանի ուսանողներ մասնակցեցին CASCADE-ի կողմից կազմակերպված միջազգային տնտեսագիտական առցանց դպրոցին:


ԷՐԱԶՄՈՒՍ+ ՀԳ1


2020 թ. Էրազմուս+-ի շրջանակներում ՀԱԱՀ-ն ունի կնքված 38 պայմանագրեր, որոնցից 25-ը՝ նախորդ տարվանից, իսկ 13-ը՝ նոր: Ընդհանուր առմամբ ՀԱԱՀ-ն այս ծրագրով համագործակցում է 32 համալսարանների հետ, ինչն աննախադեպ քանակ է: Հատկանշական է, որ ՀԱԱՀ-ի հին գործընկեր համալսարանների հետ կապը չի խզվում, բայց միաժամանակ ավելանում են նաև նոր գործընկեր-բուհեր (Շաբաքի կիրառական գիտությունների ակադեմիա, Վալլադոլիդի համալսարան, Մալագայի համալսարան,

Աթենքի գյուղատնտեսական համալսարան, Վալենսիայի պոլիտեխնիկական համալսարան):

Էրազմուս+ շարժունության տվյալներ

	Հաստատություն	Արտագնա	
		աշխատակից	ստու-նոր
1.	Կլուժ Նապոկայի գյուղ. գիտ. և անաս. բժշկա. համալսարան, Ռումինիա		4
2.	Թրոմսոյի համալսարան (Նորվեգիայի արկտիկական համալսարան), Նորվեգիա	1	2
3.	Ալմերիայի համալսարան, Իսպանիա		3
4.	Պիրեուսի համալսարան, Հունաստան		1
5.	Պանթեոնի համալսարան, Հունաստան		1
6.	Գայզենհայմի համալսարան, Գերմանիա	1	
	Ընդամենը	2	11





2020 թ. գործուղումների նման քիչ թվաքանակը պայմանավորված է COVID-19 պանդեմիայով, որի հետևանքով հետաձգվեցին աշխատակիցների և ուսանողների նախորոք պլանավորված գործուղումները, չեղարկվեցին նախորոք հայտարարված մրցույթները, հետաձգվեցին նաև ՀԱԱՀ ժամանումները: Էրազմուս+ ՀԳ1-ի այն ծրագրերը, որոնց ավարտը նախատեսված էր 2020 թ.-ի հուլիսը, երկարաձգվեցին մինչև 2021 թ.-ի ամառ:

ԷՐԱԶՄՈՒՍ+ ՀԳ2 ԾՐԱԳՐԵՐ

Այս տարի ՀԱԱՀ-ն ունի 2 նոր Էրազմուս+ ՀԳ2 ծրագրեր, որոնք աշխատանքները նոր պետք է սկսվեն: Դրանցից մեկն ուղղված է ակադեմիական մակարդակում օտար լեզվի, իսկ մյուսը՝ ճարտարագիտական ոլորտում կարողությունների զարգացմանը:

«Տեսական ուղղվածությունից անցում դեպի գործնական կրթության ագրարային ուսուցման ոլորտում» (TOPAS) ծրագրի շրջանակներում հաշվետու ժամանակաշրջանում իրականացվել է 1 աշխատանքային հանդիպում ԵՊՀ-ում: Հանդիպման ընթացքում քննարկվել է ծրագրի կատարողականը, մշակվել են հետագա քայլերը և այլ ծրագրային հարցեր: Ծրագրի շրջանակներում բենչմարքինգի միջոցով վերանայվեց և արդիականացվեց նոր՝ Ագրոպարենային համակարգի էկոնոմիկա մագիստրոսական կրթական ծրագրի ուսումնական պլանն ու վերջնաարդյունքները:

Վերջնականացվեցին նաև MOOC-ի աշխատանքները, որոնք հասանելի են արդեն ուսանողներին և դասախոսներին: Ներկայումս աշխատանքներ են տարվում ձեռնարկի ամբողջականացման համար: TOPAS-ի ժամկետը երկարացվել է մինչև 2021 թ. հուլիսի 31-ը:

«Կենսաարտադրանքների տեխնոլոգիայի ոլորտում գերազանցության հայկական ցանց» (AbioNet) ծրագրի շրջանակներում իրականացվել են հեռավար հանդիպումներ: Վերջնականացվեց սննդամթերքի անվտանգության մագիստրոսական ուսումնական պլանն ու վերջնաարդյունքները, մոդուլային ծրագրերը: Ծրագրի շրջանակներում ձեռք է բերվել լաբորատոր գույք՝ սննդամթերքի անվտանգության և որակի վերահսկման ուղղությամբ նոր լաբորատորիայի ստեղծման համար: 2020 թ.-ի ապրիլին Հայաստանում Էրազմուս+ ազգային գրասենյակի կողմից անցկացվեց ABioNet ծրագրի մոնիթորինգ, որի արդյունքները դրական էին ՀԱԱՀ-ում կատարվող գործընթացների տեսակետից: Ծրագրի ժամկետը երկարացվել է մինչև 2021 թ. հոկտեմբերի 15-ը:

ԱՐՏԵՐԿՐՈՒՄ ԿԱԶՄԱԿԵՐՊՎԱԾ ՀԱՄԱԺՈՂՈՎՆԵՐ ԵՎ ՎԵՐԱՊԱՏՐԱՍՏՈՒՄՆԵՐ

Մասնակցություն գիտաժողովներին և համաժողովներին: 2020 թվականին ՀԱԱՀ 1 աշխատակից մասնակցել է «Սննդի քիմիա և կիրառություններ» խորագրով միջազգային 22-րդ միջազգային գիտաժողովին (ԱՄԷ):

Covid-19 պանդեմիայի տարածումով պայմանավորված բազմաթիվ գիտաժողովներ և համաժողովներ են կազմակերպվել առացանց եղանակով.

- CASCADE կոնսորցիումի 10-ամյակին նվիրված առաջին միջազգային գիտական-գործնական գիտաժողով, որին մասնակցեց ՀԱԱՀ 1 աշխատակից,
- Ղազախստանի ազգային ագրարային հետազոտական համալսարանի հիմնադրման 90-ամյակի շրջանակներում կազմակերպված միջազգային ագրոտեխնոլոգիական 5-րդ գագաթնաժողով, որին մասնակցեց ՀԱԱՀ 1 աշխատակից,
- Մոսկվայի Տեխնոլոգիաների և կառավարման պետական համալսարանի կողմից կազմակերպված միջազգային գիտագործնական գիտաժողով «Սննդային

կենսատեխնոլոգիաներ. Արդյունաբերություն 4.0-ի համար կադրերի պատրաստման նորարարական լուծումներ» խորագրով:

Միջազգային շաբաթներ: 2020 թվականին ՄԿԴ 4 և ՀԱԱՀ այլ ստորաբաժանումների ավելի քան 10 աշխատակիցներ պետք է մասնակցեին ՀԱԱՀ համագործակցող համալսարանների կողմից կազմակերպվող միջազգային շաբաթներին: Սակայն COVID-19 պանդեմիայի հետևանքով բոլոր ծրագրերը հետաձգվեցին և դրանք տեղի կունենան անմիջապես իրավիճակի կարգավորումից հետո:

Վերապատրաստումներ: 2020 թ.-ին այլ (բացի Էրազմուս+-ից) ծրագրերով վերապատրաստման մեկնել են ՀԱԱՀ 4 աշխատակիցներ.

- Մոսկվայի պետական համալսարանի Պարենային անվտանգության Եվրասիական կենտրոնի կողմից կազմակերպված վերապատրաստում, որին մասնակցեցին ՀԱԱՀ 2 աշխատակիցներ,
- Ֆինանսների նախարարության և ԱՄԳ կողմից կազմակերպված "Gender Budjeting" թեմայով վերապատրաստում (Ավստրիա),
- The FAO-GSP Global Soil Saliinity Map (GSS map) ծրագրի ուսուցման դասընթաց (Թուրքիա):
Առցնաց վերապատրաստումներ.
- American Council-ի կողմից կազմակերպված բուհերի միջազգայնացմանն ուղղված վերապատրաստում, որին մասնակցեցին ՀԱԱՀ 3 աշխատակիցներ:
- Մոսկվայի պետական համալսարանի Պարենային անվտանգության Եվրասիական կենտրոնի կողմից կազմակերպված վերապատրաստում, Ձմեռային դպրոց. դեպքերի ուսումնասիրությունը՝ ուսումնական գործընթացի արդյունավետ գործիք, որին մասնակցեցին ՀԱԱՀ 3 աշխատակիցներ:

ՇԱՐԺՈՒՆՈՒԹՅԱՆ ԵՎ ԳՈՐԾՈՒՂՈՒՄՆԵՐԻ ՏՎՅԱԼՆԵՐ

2020 թ.-ում ՀԱԱՀ աշխատակիցներն ու ուսանողները հնարավորություն են ունեցել մասնակցել վերապատրաստումների, դասընթացների և միջազգային համաժողովների

և հանդիպումների, որի գերակշիռ մասը՝ հեռավար եղանակով, պայմանավորված COVID-19 պանդեմիայով:

Գործուղումներ (ուսանողներ)

Ծրագիր/պայմանագիր	Քանակ	%
Էրազմուս+ ՀԳ1	11	46
«Ագրարային մենեջմենթ» միջազգային մագիստրոսական ծրագիր	11	46
Praxx	2	8
Ընդամենը	24	100

Գործուղումներ (դասախոսներ և վարչական անձնակազմ)

Ծրագիր/պայմանագիր	Քանակ	%
Էրազմուս+ ՀԳ1	2	20
Erasmus+ KA2 (ոչ համալսարանական ծրագրով)	1	10
Այլ	7	70
Ընդամենը	10	100

ՄԿԴ ԱՇԽԱՏԱՆՔԻ ԱՐԴՅՈՒՆԱՎԵՏՈՒԹՅԱՆ ՎԵՐԼՈՒԾՈՒԹՅՈՒՆ

ՄԿԴ-ն նախորդ տարիների նման առավելագույնս տարածել է միջազգային փոխանակման և դրամաշնորհային ծրագրերի վերաբերյալ առկա տեղեկատվությունը: Աշխատանքների թափանցիկության և տեղեկատվության տարածման արդյունավետության բարձրացման նպատակով հնարավոր բոլոր տեղեկությունները ՄԿԴ-ի կողմից տարածվում են սոց. ցանցերով և ՀԱԱՀ պաշտանական կայքով:

Այս տարի առաջին անգամ ՄԿԴ-ի նախաձեռնությամբ ՀԱԱՀ-ն՝ որպես գլխավոր դիմամատու և համակարգող կազմեց և ներկայացրեց 2 Էրազմուս+ ՀԳ2 CBHE ծրագրեր: 2020 թ. մայիս-հունիս ամիսներին ՄԿԴ աշխատակիցների կողմից պատրաստվեց մեր համալսարանին համապատասխանող միջազգային դրամաշնորհային ծրագրերի բազա, մշակվեցին 5-6 տարաբնույթ նախագծի առաջարկներ (ուղղությունները՝

անասնաբուժություն, soft skills, կլիմայի փոփոխություն, կենդանիների էթոլոգիա, հեռավար ուսուցում) և աշխատանքներ տարվեցին արտերկրյա գործընկերներ գտնելու ուղղությամբ: Վերոհիշյալ ծրագրային առաջարկները պատրաստվել են տարաբնույթ դրամաշնորհային ֆոնդերի դիմելու համար. OIE, Visegrad+, Volkswagen Foundation, Norad, EIT Food և այլն: Ցավոք, հաշվի առնելով ամբողջ աշխարհում առկա համաճարակային իրավիճակն ու համալսարանների մեծ մասի՝ օնլայն հարթակ անցնելու հանգամանքը, միջազգային համալսարանները փոքր-ինչ պասիվ են նոր ծրագրերին մասնակցելու տեսակետից: Բացի այդ, շատ ծրագրերում ՀՀ-ն՝ որպես մասնակից երկիր բացակայում է կամ հանվել է ցուցակից: Օրինակ՝ NUFFIC-ի աշնանային մրցույթին ՀՀ-ն ընդհարնապես բացակայում է մասնակցելու իրավունք ունեցող երկրների ցանկից:

Այս տարի ՄԿԴ-ն էապես ընդլայնեց տարատեսակ դրամաշնորհային ծրագրերին դիմելու գործընթացը: Մասնավորապես, ՄԿԴ-ն այս կազմել է համապատասխան ծրագրարային առաջարկ-փաթեթներ և դիմել է հետևյալ ծրագրերին.

- 2 հատ Էրազմուս+ CBHE՝ ՀԱԱՀ համակարգմամբ,
- Visegrad+,
- EIT Food – ծրագիրը շահել ենք, սակայն ՀՀ-ում հայտարարված ռազմական դրության պատճառով ստիպված մերժեցինք միջոցառման կազմակերպումը,
- COIL – ներկայացված ծրագիրը հաստատվել է և այժմ աշխատանքներ են տարվում գործընկեր ամերիկյան բուհ գտնելու ուղղությամբ, ընդ որում, ՀՀ-ից պետք է ընտրվել 3 ծրագիր, և դրանցից մեկը ՄԿԴ-ի ներկայացրածն էր:

Այս տարի ևս դեպարտամենտի պաշտոնական ֆեյսբուքյան էջում և ՀԱԱՀ կայքում տեղադրվում են միջազգային ծրագրերի վերաբերյալ տարաբնույթ հայտարարություններ. Էրազմուս+ ՀԳ1 ծրագրի մրցույթներ, Էրազմուս+ ծրագրի մասնակցիների լավագույն փորձ, Էրազմուս+ ՀԳ2 ծրագրեր, տարբեր մրցույթներ, կրթաթոշակներ, տեսանյութեր և այլն: 2020 թ.-ին ՄԿԴ-ի կողմից տեղադրվել են շուրջ 119 նյութեր, որոնցից 15-ը եղել են Էրազմուս+-ի մրցույթների հայտարարություններ, 13-ը՝ շարժունության մասնակիցների հոդվածներ, իսկ մնացածը՝ այլ բնույթի տեղեկություններ:

Շարժունության յուրաքանչյուր մասնակից վերադարձից հետո լրացնում է ՄԿԴ-ի կողմից տրամադրվող առցանց հարցաշարը, որով ՄԿԴ-ն վերհանում է շարժունության գրոծընթացի թույլ և ուժեղ կողմերը, վերլուծում արդյունքներն ու մշակում թույլ կողմերի վերացման ծրագրեր:

Հիմք ընդունելով ՄԿԴ-ի կողմից կատարվող պարբերական մոնիթորինգն ու դրանց արդյունքները, ՀԱԱՀ-ի միջազգային համագործակցության հետագա զարգացման և միջազգային հեղինակության բարձրացման նպատակով անհրաժեշտ է՝

1. Ուսանողների և աշխատակիցների շրջանում բարձրացնել օտար լեզվի իմացության մակարդակը: Օրինակ՝ շարժունության շատ մրցույթներ ուղղակի թափուր են մնում կամ մասնակցում են օտար լեզվի իմացության ոչ բավարար մակարդակով մասնակիցներ:
2. Դասախոսների շրջանում ուժեղացնել միջազգային ծրագրեր կամ ծրագրային առաջարկներ գրելու կարողությունները: Դա անհրաժեշտ է այն տեսակետից, որ նեղ մասնագիտական ծրագրերին դիմելու դեպքում կարողանան կազմել և ներկայացնել ծրագրային փաթեթներ:
3. Ստեղծել օտար լեզվով դասավանդման կրթական ծրագրերի բազա և տեղեկատվական նյութեր: Դրսից տարբեր մարդիկ ցանկություն են հայտնում սովորել ՀԱԱՀ-ում, սակայն դեռևս բացակայում է օտարալեզու ծրագրերի վերաբերյալ ամբողջական տեղեկատվական բազան:

S	W
<ul style="list-style-type: none"> • միջազգային փոխանակման և դրամաշնորհային ծրագրերի վերաբերյալ տեղեկատվության տարածում • ՄԿԴ աշխատակիցների ակտիվ գործունեություն 	<ul style="list-style-type: none"> • օտար լեզվին տիրապետող ուսանողների և աշխատակիցների ոչ բավարար քանակ • համապատասխան ուսումնական ծրագրերի, ընդունելության կարգի, համապատասխան վարձավճարների բացակայություն օտարերկրյա ուսանողների համար

	<ul style="list-style-type: none"> • ոչ բավարար սեփական միջոցներ տարբեր վերապատրաստման դասընթացներին ՀԱԱՀ աշխատակցիների և ուսանողների մասնակցությունը ֆինանսավորելու համար • ոչ բավարար կենցաղային պայմաններ ՀԱԱՀ հանրակացարանում
Օ	Դ
<ul style="list-style-type: none"> • ագրարային ոլորտի միակ բուռը ՀՀ-ում • ագրարային ոլորտի քաղաքականության խթանում կառավարության կողմից 	<ul style="list-style-type: none"> • ուսանողների թվաքանակի պակասում • որոշ ԵՄ համալսարանների կողմից համագործակցության պայմանների խախտում • ֆորս-մաժորային իրավիճակներ (COVID-19) • պատերազմի հետևանքով Հայաստանի՝ որպես անվտանգ երկիր կարգավիճակի թուլացում